

Samningur

mennta- og menningarmálaráðuneytis við Landssamtök íslenskra stúdenta

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Landssamtök íslenskra stúdenta, kt. 500714-0420, í samningi þessum nefnt LÍS, gera með sér svofelldan samning um starfsemi og þjónustu LÍS.

1. Markmið og starfsemi

1.1. Meginmarkmið með samningi þessum eru að:

- stuðla að öflugum samstarfsvettvangi háskólastúdenta.
- LÍS sé öflugur tengiliður stjórnvalda við íslenska háskólastúdenta í umræðu um skipulag háskólakerfisins og stefnumótun.
- tryggja framgang stefnu málefnasviðs 21 - Háskólastig í málaflokkum 21.1 - Háskólar og 21.2 – Rannsóknarstofnanir sbr. fjármálaáætlun 2020-2024.

1.2. Starfsemi

- **Hagsmunagæsla stúdenta:** Að standa vörð um hagsmuni stúdenta hérlendis sem og hagsmuni íslenskra stúdenta á alþjóðavettvangi, skapa samstarfsvettvang fyrir íslensk stúdentafélög, taka þátt í alþjóðlegu samstarfi og vinna að hagsmunum stúdenta á alþjóðavísu, vinna að samræmingu gæðastarfs og stuðla að jöfnu aðgengi að háskólanámi.
- **Samskiptavettvangur:** Vera öflugur samráðs- og samskiptavettvangur stjórnvalda við stefnumótun á málefnasviði háskóla og vísinda.
- **Nefndapátttaka:** Taka virkan þátt í starfi ýmissa nefnda og ráða svo sem Nýsköpunarsjóði námsmanna, Ráðgjafanefnd Gæðaráðs íslenskra háskóla, Áfrýjunarnefnd í kærumálum háskólanema, Gæðaráði íslenskra háskóla, verkefnastjórn um endurskoðun á lögum um LÍN og fl.
- **Verkefnapátttaka:** Taka þátt í ýmsum verkefnum á sviði háskólamenntunar svo sem Eurostudent könnun, The Bologna Reform in Iceland (Bore II) og fl.
- **Alþjóðasamstarf:** Taka þátt í starfi European Students' Union með þátttöku á European Students' Convention, Nordic Organizational Meeting (NOM), European Students' Union Board Meeting og fl.
- **Viðburðir:** Skipulagning og yfirumsjón viðburða svo sem landsþings LÍS, málþinga tengdum málefnum stúdenta og fl.

2. Forsendur sammings og lagaheimildir

- 2.1. Ráðuneytið gerir samning þennan á grundvelli heimildar í 42. gr. laga um opinber fjármál nr. 123/2015.
- 2.2. Árlegt framlag ráðuneytisins til sammings þessa er 9 m.kr.
- 2.3. Framlag í samningi þessum kemur frá málaflokkum 21.2 og fellur undir stefnu ráðherra á málefnasviði 21 í málaflokkum 21.1, og 21.2 sbr. 20. gr. laga um opinber fjármál nr. 123/2015.
- 2.4. Verði gerð breyting á fjárheimildum til málaflokkum 21.1 eða 22.2 í fjárlögum geta aðilar tekið upp viðræður um aðlögun rekstrarins að breyttri fjárveitingu.
- 2.5. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á LÍS ekki kröfu á ríkissjóð eða rétt á bótum þótt framlag til sammingsins verði lækkað eða fellt niður. Séu gerðar almennar aðhaldskröfur af hálfu ríkisins til

- málaflokka 21.1 eða 22.2 er heimilt að gera sömu kröfur til aðhalds í rekstri verkefna sem falla undir málaflokka 21.1 eða 22.2 hjá LÍS.
- 2.6. Fjárhagsleg ábyrgð ríkisins vegna rekstrarverkefnisins takmarkast við þær fjárhæðir sem eru í samningnum.
 - 2.7. Framlag ríkisins til samnings þessa er kr. 5 milljónir árið 2018.
 - 2.8. LÍS starfar samkvæmt lögum LÍS sem samþykkt voru á landsþingi LÍS 2017.
 - 2.9. LÍS starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á; eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð styrkþega

- 3.1. LÍS ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. LÍS skal geta lagt fram gögn og skýrslur þessu til staðfestingar, sé eftir því leitað.
- 3.2. LÍS ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. LÍS er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag í tveimur hlutum, 1. mars og 1. september. Greitt er inn á bankareikning í viðskiptabanka LÍS nr. 133-26-500714.
- 4.2. LÍS skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok september.
 - 4.2.2. Endurskoðuðum ársreikningi ársins á undan með skýringum fyrir lok ágúst og skal afrit jafnframt sent Ríkisendurskoðun.
- 4.3. Eigi LÍS í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fyrir lok febrúar skilar LÍS ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.3. LÍS skilar ráðuneytinu upplýsingum sem það kallar eftir vegna opinberrar upplýsingagjafar.
- 5.4. LÍS veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.5. Samning þennan, ársreikning LÍS, greinargerð um framkvæmd samnings og úttektarskýrslur skal birta á vef LÍS jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

5.6. Fulltrúar ráðuneytis og LÍS funda í september ár hvert um samninginn.


6. Vanefndir og meðferð ágreinings

- 6.1. LÍS tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli LÍS ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. janúar 2019 til 31. desember 2023.
- 7.2. Samningur þessi er gerður í tveimur samhljóða eintökum og heldur hvor aðili eintaki.

Reykjavík 1. júlí 2019


Meðnta- og menningarmálaráðherra
Lilja Alfreðsdóttir


Landssamtök íslenskra stúdenta
Sonja Björg Jóhannsdóttir